

# USLOVI ZA OBAVEZNO OSIGURANJE VLASNIKA ODносНО KORISNIKA PLOVNIH OBJEKATA OD ODGOVORNOSTI ZA ŠTETE PRIČINJENE TREĆIM LICIMA



DA BI BILO JASNije



## UVODNE ODREDBE

### Član 1.

(1) Pojedini izrazi u ovim Uslovima znače:

- **OSIGURAVAČ** – Društvo za osiguranje sa kojim je zaključen ugovor o osiguranju;
- **OSIGURANIK** – vlasnik plovog objekta za koje je zaključen ugovor o obaveznom osiguranju, kao i drugi ovlašćeni korisnik plovog objekta;
- **UGOVARAČ OSIGURANJA** – lice koje je sa osiguravačem zaključilo ugovor o osiguranju;
- **OSIGURANI SLUČAJ** – događaj nastao za vrijeme trajanja osiguravajućeg pokrića, a koji bi mogao dovesti do ostvarivanja odštetnog zahtjeva od strane oštećenika;
- **KORISNIK** – fizičko ili pravno lice koje voljom vlasnika raspolaže plovim objektom;
- **TREĆE LICE** – je svako lice, osim lica odgovornog za pričinjenu štetu i lica čiji je odšteti zahtjev po ovim uslovima isključen iz pokrića;
- **SUMA OSIGURANJA** – maksimalna obaveza osiguravača po jednom štetnom događaju;
- **PREMIJA** – iznos koji ugvarač osiguranja plaća za osiguranje po ovom ugovoru o osiguranju;
- **POLISA** – isprava o ugovoru o osiguranju;
- **BROD** – plovni objekat namijenjen za plovidbu (putnički, teretni, tehnički plovni objekat, ribarski, javni ili naučno – istraživački čija je dužina najmanje 12 metara a registrska zapremina najmanje 15 BRT, osim ratnog broda);
- **MOTORNI ČAMAC** – plovni objekat koji se kreće pomoću mehaničkog pogonskog uređaja (ugrađenog ili vanbrodskog) čija dužina iznosi manje od 12 metara i registrska zapremina manje od 15 BRT;
- **GLISER** – svaki plovni objekat koji pomoću mehaničkog pogonskog uređaja glisira po površini vode;
- **SKUTER I SL.** – plovni objekat sa motorom koji mu omogućava glisiranje ili lebdenje nad vodom;
- **JAHTA** – plovni objekat na motorni pogon ili jedra, koji može imati više od jednog trupa, namijenjen i opremljen za duži boravak na moru, za razonodu, sport i rekreaciju, čija dužina je veća od 7 m i koji se koristi za lične potrebe ili privrednu djelatnost;
- **JEDRILICA** – plovni objekat (jahta) posebne konstrukcije i sa posebnom opremom (jedrima) pomoću kojih se kreće po vodi.



### Predmet i obim pokrića

### Član 2.

- (1) Osiguranje pokriva štetu, koja je posljedica uvažavanja odštetnog zahtjeva na osnovu odredbi Zakona o obaveznom osiguranju u saobraćaju i u skladu sa njima odredbi građanskog prava i ovih Uslova, koju upotrebom plovog objekta vlasnik odnosno ovlašćeni korisnik pričini trećim licima nanošenjem tjelesnih povreda, oštećenjem zdravlja i smrti.
- (2) Trećim licima, u smislu stava 1 ovog člana, smatra se i korisnik lizinga koji je ugvarač osiguranja i korisnik plovila, a nije odgovoran za nezgodu u kojoj mu je prouzrokovana šteta plovilom istog davaoca lizinga.
- (3) Štetom iz stava (1) ovog člana smatra se i šteta pričinjena trećem licu uslijed pada stvari sa plovog objekta ili izbacivanjem stvari iz plovog objekta.
- (4) Najniža ugovorena suma osiguranja na koju se mora zaključiti osiguranje utvrđena je Zakonom o obaveznom osiguranju u saobraćaju.

- (5) Obaveza osiguravača ograničena je sumom osiguranja utvrđenom Zakonom o obaveznom osiguranju u saobraćaju koja važi na dan osiguranog slučaja, ako ugovorom o osiguranju nije ugovorena viša suma osiguranja.
- (6) Jednim osiguranim slučajem smatraju se, bez obzira na broj oštećenika, svi štetni događaji koji proizilaze iz istog uzroka. Smatra se da se dogodio jedan osigurani slučaj i onda kada za istu štetu odgovara više lica čija je odgovornost obuhvaćena ovim osiguranjem. Više vremenski povezanih šteta predstavlja jedan osigurani slučaj, ukoliko štete nastanu uslijed istog uzroka.
- (7) Osiguranjem su pokriveni i nužni troškovi vezani za štetu i razumni troškovi spora i pravnih radnji koje je osiguranik preduzeo u saglasnosti sa osiguravačem radi odbrane od neosnovanih ili pretjeranih zahtjeva trećih lica. Ako iznosi troškova koje je osiguranik dužan platiti prelaze sumu osiguranja, ovim osiguranjem je pokriven samo srazmjeran dio tih troškova (odnos između sume osiguranja i priznate odštete).

## Isključenja iz osiguravajućeg pokrića

### Član 3.

Iz pokrića su isključeni odštetni zahtjevi:

- 1) za slučaj uništenja ili oštećenja stvari;
- 2) vozača plovog objekata, koji je izazao nesreću i njegovih pravnih sljedbenika zbog tjelesnih povreda, oštećenja zdravlja ili smrti vozača;
- 3) lica, koje je izvršilo, odnosno učestvovalo u protivpravnom oduzimanju plovog objekta, čijom je upotrebom prouzrokovana šteta, bez obzira da li je upravljao plovnim objektom u momentu nastanka štete;
- 4) lica, koje je dobrovoljno ušlo na plovni objekat, kojim je prouzrokovana šteta ako osiguravač dokaže, da mu je bila poznata okolnost da je tim plovnim objektom upravljao neovlašćeni vozač;
- 5) lica, koje je dobrovoljno ušlo na plovni objekat, kojim je prouzrokovana šteta ako osiguravač dokaže, da mu je bila poznata okolnost da je taj plovni objekat bio protivpravno oduzet;
- 6) lica, koje je štetu pretrpjelo:
  - a) upotrebom plovnog objekta za vrijeme zvanično odobrenih takmičenja, kao i na probama (treningu) za ta takmičenja, ukoliko se drugačije ne ugovori i plati dodatna premija,
  - b) uslijed zemljotresa,
  - c) uslijed ratnih događaja, ustanaka i drugih oružanih akcija, ratnih prevrata, ratnih sabotaža, građanskog rata, nemira i zlonamjernih djelovanja u vezi sa tim događajem, ako postoji uzročna veza između tih dejstava i nastale štete, kao i uslijed terorističkih djelovanja, ako postoji uzročna veza između tih dejstava i nastale štete. Pod terorističkim djelovanjem se smatra nasilno djelovanje ili djelovanje koje ugrožava život čovjeka, pokretnu odnosno nepokretnu imovinu ili infrastrukturu, silom, nasiljem ili prijetnjom, bez obzira na to da li je takvo djelovanje izvedeno samostalno ili u vezi sa nekom organizacijom ili vladom ili da li je izvedeno zbog političkih, vjerskih, ideoloških ili sličnih namjera i ima za cilj uticanje ili utice na neku vladu ili ima namjeru zastrašivati ili zastrašuje javnost odnosno neki njen dio,
  - d) prouzrokovanoj (ili joj doprinosi ili proizilazi iz), neposredno ili posredno:
    - bilo kakvim hemijskim, biološkim, biohemijskim ili elektromagnetskim oružjem;
    - upotrebom ili operacijom sa bilo kakvog računara, računarskog sistema, računarskog „software“ programa, računarskih virusa, ili procesa ili nekog drugog elektronskog sistema kao sredstva za prouzrokovanje štete.
- e) prouzrokovanoj (ili joj doprinosi ili proizilazi iz), neposredno ili posredno:
  - jonizovanom radijacijom ili kontaminacijom nastalom radijacijom iz bilo koje vrste nuklearnog goriva ili nuklearnog otpada ili sagorijevanjem nuklearnog goriva;
  - radioaktivnim, toksičnim, eksplozivnim ili drugim štetnim ili kontaminirajućim osobinama bilo koje vrste nuklearne instalacije, reaktora ili druge nuklearne konstrukcije ili komponente;
  - zbog bilo kojeg oružja ili naprave koja koristi atomsku ili nuklearnu fuziju i/ili fuziju ili neku drugu reakciju ili radioaktivnu snagu ili materiju;
  - radioaktivnim, toksičnim, eksplozivnim ili drugim štetnim ili kontaminirajućim osobinama bilo kakvih radioaktivnih materija. Isključenje u ovoj podklauzuli ne obuhvata radioaktivne izotope, osim nuklearnog goriva, kad se ti izotopi proizvode, prevoze, skladište ili se upotrebljavaju u komercijalne, poljoprivredne, medicinske, naučne ili ostale slične miroljubive namjene.



## Ograničenja i gubitak prava iz osiguranja

### Član 4.

- (1) Obavezno osiguranje vlasnika, odnosno korisnika plovnih objekata pokriva i odgovornost za štetu pričinjenu trećim licima zbog upotrebe plovog objekta kod koga osiguranik gubi pravo iz ugovora o osiguranju.
- (2) Osiguranik i korisnik plovila gube prava iz osiguranja ako štetni događaj nastane:
  - a) uslijed namjernih postupaka ili grube nepažnje;

- b) uslijed plovidbe bez potvrde o osposobljenosti za upravljanje plovilom;
  - c) uslijed korišćenja plovnog objekta u svrhe za koje nije namijenjeno;
  - d) uslijed omogućavanja prevoza lica na mjestu koje nije predviđeno za prevoz lica, za zahtjeve koje ta lica postave, osim za zahtjeve lica koja se prevoze u skladu sa propisima;
  - e) uslijed korišćenja plovnog objekta od strane vozača bez nadzora u toku obuke za upravljanje plovnim objektom;
  - f) uslijed korišćenja plovnog objekta od strane vozača bez znanja i odobrenja vlasnika, odnosno ovlašćenog korisnika plovnog objekta;
  - g) uslijed korišćenja plovnog objekta od strane vozača koji na protivpravan način dođe u posjed plovnog objekta;
  - h) uslijed upravljanja plovnim objektom pod uticajem alkohola iznad odobrene granice, pod uticajem opojnih droga, psihotaktivnih lijekova ili drugih psihotaktivnih materija, ili ako je lice koje je upravljalo izbjeglo ili odbilo alkotestiranje ili testiranje.
  - i) uslijed plovidbe u zabranjenom području ili plovidbe bez odgovarajućeg ovlašćenja u području gdje se takvo ovlašćenje zahtijeva;
  - j) uslijed upotrebe eksplozivnih i/ili zapaljivih stvari na način koji nije u skladu sa propisanim uputstvima;
  - k) direktno ili indirektno uslijed krijumčarenja bilo koje vrste, zbog neovlašćenog prelaza državne granice lica koja su na plovilu, zbog zabranjene trgovine, krivolova, zabranjene plovidbe i sl. kao i s tim u vezi zaplijene, zaustavljanja i slično;
  - l) uslijed preopterećenosti plovila;
  - m) direktno ili indirektno uslijed nedostatka (mane) ili zbog nesposobnosti plovnog objekta za plovidbu. Nesposobnošću za plovidbu podrazumjeva se opšta nesposobnost plovila ili njegova nesposobnost za određeno putovanje i/ili prevoz koji obavlja, a koja je posledica tehničkih nedostataka, nedovoljne opremljenosti, neodgovarajuće posade, nepridržavanja ili nesprovodenja odredbi o tehničkim i zaštitnim mjerama i drugih sličnih razloga;
- (3) Ako je za povećani rizik tarifom predviđena dodatna premija, a ona nije bila obračunata, osiguranik gubi pravo na naknadu iz osiguranja u odnosu između obračunate premije i premije koja je zbog povećanog rizika trebala biti obračunata. Povećanim rizikom podrazumjeva se:
- a) vuča skijaša na vodi ili drugih predmeta;
  - b) učešće na treninzima i takmičenjima (regatama);
- (4) Osiguravač koji je oštećenom licu isplatio štetu prouzrokovano u slučajevima iz stava (2) i stava (3) ovog člana ima pravo da od lica koje je odgovorno za štetu naknadi cijelokupno isplaćeni iznos štete, kamatu i pripadajuće troškove, ukoliko je to lice izgubilo pravo iz ugovora o osiguranju u skladu sa važećim Zakonom o obaveznom osiguranju u saobraćaju.

## Početak i prestanak osiguravajućeg pokrića

### Član 5.

- (1) Obaveza osiguravača iz ugovora o osiguranju počinje, ukoliko se drugačije ne ugovori, po isteku dvadeset četvrtog časa dana koji je u ispravi o osiguranju naveden kao početak osiguranja. Obaveza osiguravača prestaje po isteku dvadeset četvrtog časa dana koji je u ispravi o osiguranju naveden kao istek osiguranja, ukoliko nije drugačije ugovorenno.
- (2) Ugovor o osiguranju, po ovim uslovima, po pravilu se zaključuje na period osiguranja od godinu dana, ukoliko nije drugačije ugovorenno.

## Teritorijalno važenje osiguranja

### Član 6.

- (1) Osiguravajuće pokriće važi za štetne događaje nastale tokom plovidbe u unutrašnjim morskim vodama i teritorijalnom moru Crne Gore, ukoliko nije drugačije ugovorenno.



## Obaveze ugovarača osiguranja

### Član 7.

- (1) Ugovarač osiguranja je obavezan da prije zaključenja ugovora o osiguranju prijavi osiguravaču sve okolnosti koje su mu poznate ili mu nisu mogle ostati nepoznate, a važne su za ocjenu rizika.
- (2) Ugovarač osiguranja je obavezan obavijestiti osiguravača o svakoj promijeni okolnosti koja može biti važna za promjenu rizika nezavisno da li je rizik promijenjen njegovom voljom ili postupkom ili bez njegovog uticaja odmah po saznanju.
- (3) Ukoliko za povećan rizik nije obračunata odgovarajuća premija, osiguravač ima pravo da se od osiguranika regresira za dio štete u srazmjeri između već obračunate i odgovarajuće premije.



## Obaveze osiguranika

### Član 8.

- (1) Osiguranik je obavezan o nastanku osiguranog slučaja obavjestiti odmah, a najkasnije u roku od sedam dana od saznanja, nadležne organe – policiju i lučku kapetaniju kao i osiguravača i dostaviti sve podatke, koji su potrebni za utvrđivanje odgovornosti.
- (2) Ukoliko je osiguraniku predat odštetni zahtjev za štetu iz odgovornosti ili je podignuta optužnica ili donesena odluka o kaznennom postupku, osiguranik je obavezan o tome odmah obavjestiti osiguravača pa i onda kad je već prijavio nastanak štetnog događaja. Takođe je dužan dostaviti osiguravaču sudski poziv ili tužbu i sve spise u vezi sa štetnim događajem i zahtjevom za naknadu štete a vođenje spora prepustiti osiguravaču.
- (3) Osiguranik nije ovlašćen bez prethodne saglasnosti osiguravača da se izjasni o zahtjevu za naknadu štete, a posebno priznati ga (potpuno ili djelimično), nagoditi se niti izvršiti isplatu oštećeniku. Ako je osiguranik u zabludi smatrao da postoji njegova odgovornost ili da su ispravno utvrđene činjenice to ga neće opravdati.
- (4) Ako se osiguranik protivi predlogu osiguravača da se zahtjev za naknadu štete riješi nagodbom, osiguravač nije u obavezi platiti višak naknade, kamata i troškova koji su zbog toga nastali.
- (5) U slučaju da se oštećnik sa zahtjevom za naknadu štete neposredno obrati osiguravaču, osiguranik je u obavezi osiguravaču pružiti sve dokaze i podatke sa kojima raspolaže, a koji su nužni za utvrđivanje odgovornosti za učinjenu štetu i za ocjenu osnovanosti zahtjeva, obima i visine štete.
- (6) Ako osiguranik ne izvrši svoje obaveze iz ovog člana, dužan je nadoknaditi osiguravaču štetu koju bi ovaj zbog toga imao, kao i sudske troškove i zatezne kamate.

## Obaveze osiguravača

### Član 9.

- (1) Osiguravač je dužan da u roku od 60 dana od dana prijema odštetnog zahtjeva, oštećenom licu dostavi:
  - obrazloženu ponudu za naknadu štete, ako su odgovornost za naknadu štete i visina štete nesporni ili
  - obrazloženi odgovor, ako su odgovornost za naknadu štete ili visina štete sporni.

## Utvrđivanje premije

### Član 10.

- (1) Osiguranik je dužan da plati premiju u skladu sa tarifom važećom u momentu zaključenja osiguranja.



## Plaćanje premije

### Član 11.

- (1) Premija osiguranja se plaća unaprijed, prilikom izdavanja polise, osim ako se ne ugovori drugačije.

## Vraćanje premije

### Član 12.

- (1) U slučaju prestanka potrebe za osiguranjem, ukoliko ugovarač osiguranja priloži odjavu plovila od nadležnog organa, osiguravač je u obavezi da na zahtjev ugovarača osiguranja vrati premiju za preostalo vrijeme trajanja („pro rata“) osiguranja od dana prijema zahtjeva za otkaz osiguranja, ukoliko se do tada nije dogodio osigurani slučaj.
- (2) Prilikom obračuna neiskorišćenog dijela premije osnovica za obračun je obračunata premija umanjena za iznos poreza.



## Prigovor oštećenika

### Član 13.

- (1) Lice koji smatra da su mu odlukom osiguravača po odštetnom zahtjevu narušena prava iz ugovora o osiguranju, može podnijeti prigovor Komisiji za prigovore osiguravača.
- (2) Komisija za prigovore osiguravača dužna je da u roku od 30 dana od dana prijema prigovora osiguranika, doneše odluku o prigovoru i o odluci obavijesti podnosioca prigovora.

## **Pisani oblik**

### **Član 14.**

- (1) Svi dogovori o sadržaju ugovora o osiguranju važeći su samo ako su zaključeni u pisanim oblicima, osim u slučaju zaključenja osiguranja na daljinu.
- (2) Sva obavještenja i izjave, što ih treba dati po odredbama ugovora o osiguranju, moraju biti pisane. Ukoliko je ugovarač osiguranja osiguravaču dao svoju e-mail adresu za slanje obavještenja ili je e-mail adresa navedena na ugovoru o osiguranju, sva obavještenja i izjave, koje prethode ili slijede ugovoru o osiguranju, mogu biti dostavljeni ugovaraču osiguranja elektronskim putem na adresu elektronske pošte (e-mail adresu).
- (3) Obavještenje ili izjava data je pravovremeno ako se prije isteka roka pošalje preporučenim pismom, ili se prije isteka roka posalje elektronskom poštrom na adresu elektronske pošte (e-mail adresu) ugovarača osiguranja.

## **Promjena podataka**

### **Član 15.**

- (1) Ugovarač osiguranja mora osiguravača obavijestiti o promjeni adrese svog stanovanja, odnosno sjedišta ili promjeni svog imena, odnosno naziva firme u roku od 15 dana od dana promjene.
- (2) Ako ugovarač osiguranja promijeni adresu stana, odnosno sjedište ili svoje ime odnosno naziv firme, a da o tome nije obavijestio osiguravača, dovoljno je da osiguravač pošalje obavještenje koje mora dostaviti ugovaraču osiguranja na adresu njegove posljednje poznate adrese ili sjedišta ili da je naslovi na posljednje poznato ime odnosno firmu.
- (3) Ukoliko je ugovarač osiguranja osiguravaču dao svoju e-mail adresu za slanje obavještenja, ugovarač osiguranja je obavezan obavijestiti osiguravača o promjeni e-mail adrese u roku od 15 dana od dana promjene. Ako ugovarač osiguranja promijeni e-mail adresu odnosno prestane da je koristi, a da o tome nije obavijestio osiguravača, dovoljno je da osiguravač pošalje obavještenje koje mora dostaviti ugovaraču osiguranja na posljednju poznatu e-mail adresu.

## **Zaštita ličnih podataka**

### **Član 16.**

- (1) U skladu sa Zakonom o zaštiti podataka o ličnosti ugovarač osiguranja daje izričitu saglasnost osiguravaču da koristi i obrađuje lične podatke iz ugovora o osiguranju, kao i saglasnost da navedene podatke može prenosi na druga pravna lica u zemlji i inostranstvu, a čije učešće je nužno za ispunjavanje obaveza iz ugovora o osiguranju.
- (2) Ugovarač osiguranja daje saglasnost da se njegovi lični podaci koriste za vrijeme trajanja osiguranja u svrhu zbog koje su i dati, odnosno u svrhu ispunjavanja obaveza iz ugovora o osiguranju.
- (3) Saglasnost iz tačke 1. i tačke 2. ovog člana ugovarač osiguranja daje i za posebne kategorije ličnih podataka, a u slučaju da je obrada takvih podataka potrebna za ispunjenje obaveza iz ugovora o osiguranju.
- (4) Osiguravač se obavezuje da će sve lične podatke obrađivati i čuvati u skladu sa zakonom.

## **Nadležnost u slučaju spora**

### **Član 17.**

- (1) Sporove između ugovarača osiguranja, odnosno osiguranika na jednoj i osiguravača na drugoj strani, rješava stvarno nadležan sud u Podgorici.

## **Primjena zakona**

### **Član 18.**

- (1) Za odnose između ugovarača osiguranja odnosno osiguranika s jedne strane i osiguravača sa druge strane koriste se i odredbe Zakona o obaveznom osiguranju u saobraćaju, Zakona o pomorskoj i unutrašnjoj plovidbi, Zakon o sigurnosti pomorske plovidbe i Zakona o obligacionim odnosima.

## **Završne odredbe**

### **Član 19.**

- (1) Ovi Uslovi stupaju na snagu danom donošenja i primjenjivaće se od 17.10.2022. godine.

- (2) Početkom primjene ovih Uslova prestaju da važe Uslovi za obavezno osiguranje vlasnika odnosno korisnika plovnih objekata od odgovornosti za štete pričinjene trećim licima od 16.6.2017. godine.